

TOSHKENT HAQIQATI

1928-yil 11-dekabrda asos solingan

Ўзбекистон Республикаси Президентининг ҚАРОРИ ҚУРБОН ҲАЙИТИНИ НИШОНЛАШ ТЎҒРИСИДА

Халқимизнинг қадимий ва бетакрор байрамларидан бири бўлган муборак Қурбон ҳайитининг мазмун-моҳиятида муҳасам бўлган инсонпарварлик, эзулик, шукроналик ва меҳр-оқибат сингари анъана ва қадриятларни асраб-авайлаш ҳамда кенг тарғиб этиш, ушбу улуғ байрамни мамлакатимизда муносиб нишонлаш мақсадида:

1. Жорий йилда Қурбон ҳайитининг биринчи куни **9 июль** – шанба кунига тўғри келиши тўғрисида Ўзбекистон мусулмонлари идораси Уламолар кенгаши томонидан қабул қилинган қарорни инобатга олиб, мамлакатимизда 2022 йил **9 июль** куни Қурбон ҳайити байрами сифатида кенг нишонлансин.

Ўзбекистон Республикаси Президентининг 2021 йил 20 декабрдаги "2022 йилда расмий саналарни нишонлаш даврида қўшимча ишланмайдиган кунларни белгилаш ва дам олиш кунларини кўчириш тўғрисида"ги ПФ-35-сон Фармони билан 2022 йил **11-12 июль кунлари дам олиш кунлари** сифатида белгиланганлиги маълумот учун қабул қилинсин.

2. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари Дин ишлари бўйича қўмита, Маҳалла ва нурунийларни қўллаб-қувватлаш вазирлиги ҳамда жамоат ташкилотлари билан ҳамкорликда Қурбон ҳайити халқимизнинг миллий ва диний анъаналарига мос равишда ўтказилиши учун тегишли чора-тадбирларни амалга оширсин.

3. Туризм ва маданий мерос вазирлиги Транспорт вазирлиги билан биргаликда юрtdошларимиз учун Қурбон ҳайити кунларида муътабар ёдгорлик ва қадамжоларга зиёратларни ташкил этиш мақсадида қўлай шароит ва имкониятлар яратсин.

4. Ўзбекистон Миллий телерадиокомпанияси, Ўзбекистон Миллий ахборот агентлиги ва бошқа оммавий ахборот воситаларига Қурбон ҳайитини нишонлаш билан боғлиқ тадбирларни кенг ёритиш тавсия этилсин.

5. Ўзбекистон Республикаси Президентининг айрим қарорлари иловага мувофиқ ўз кучини йўқотган деб ҳисоблансин.

6. Мазкур қарорнинг ижросини назорат қилиш Ўзбекистон Республикасининг Бош вазири А.Н.Арипов ва Ўзбекистон Республикаси Президентининг маслаҳатчиси М.М.Камилов зиммасига юклансин.

Ўзбекистон Республикаси
Президенти Ш. МИРЗИЁЕВ

Тошкент шаҳри,
2022 йил 1 июль

Кучли фуқаролик жамияти сари

РАИС НОМИГА МУНОСИБ БЎЛСИН!

Хабарингиз бор, жорий йилнинг май ойида бўлиб ўтган фуқаролар йиғинлари раислари (оқсоқоллари) сайловида вилоятимиздаги 1 минг 20 та маҳаллага раис сайланди. Шундан 275 нафари амалдаги раислар бўлса, 745 нафари биринчи марта ўз фаолиятини бошлади.

Айни вақтда янги сайланган маҳалла раисларини ижтимоий-сиёсий, маънавий-маърифий соҳалардаги билимларини янада ошириши, бугунги ислохотлар мазмун-моҳиятидан хабардорлик да-
ражасини юксалтириш, ҳуқуқий-меъёрий ҳужжатлар билан яқиндан таништириш, шунингдек, раҳбарлик кўникма ва малакасини шакллантириш мақсадида ўқув семинарлар ташкил этилмоқда.



Ўзбекистонда ишлаб чиқарилган

Овқат тайёрлаш учун вақтингиз зиқ, шунда дўконга чопасиз. Чунки у ердан консерваланган палов, нўхат-шўрак, гуручли бўтқа, ҳатто ҳалимгача топишингиз мумкин.

ОЧИЛ ДАСТУРХОН

ёки ҳақиқатга айланган эртақ

Дарҳақиқат, бугун замонавий технологиялар ёрдамида турли маҳсулотлардан тортиб, миллий таомларимизгача қадоқланмоқда. Шу ўринда табиий савол туғилади: қандай қилиб паловни консервалаш мумкин? Уни истеъмол қилиш инсон саломатлигига зарар етказмайди? Шу каби саволларга жавобни Зангиота туманидаги "Euro food trade" корхонасидан топдик.

Кираверийда турганимизда аллақердан инглиз тилида "The face picture is not added" сўзлари қайта-қайта жаранглайверди. Яъни, "Юз расми қўшилмади". Англадикки, корхонада ходим-

ларнинг ишга келиб-кейтиш назорати шу тартибда юритилар экан. Қоровулнинг айтишича, бу техника унинг ишини анча энгиллатибди, энди ҳар бир ишчининг келиш вақтини ёзма қайд этишга ҳожат қолмабди. Барчасини шу ускуна бажараётган экан.

Иш бошқарувчи билан ичкарига йўл олдик. Корхонада иш қизгин, ишчиларнинг кўли-кўлига тегмайди. Маккажўхорини консервалаш жараёнини кузатдик. Дастлаб жўхорининг донлари ажратиб

олиниб, махсус идишда ювиллади. Сунгра дончалар иссиқ буг ёрдамида бир оз пиширилгач, қадоқлаш учун узатиляпти. У ёқда стерилланган бан-

каларга жойланган жўхори автоклав томон йўл олмақда. У ерда маҳсулот бактерия ва зарарли моддалардан халос бўлади. Шу тариқа маҳсулот

истеъмолчиларга етказиш учун тайёр ҳолга келтириллар экан.

(Давоми 2-саҳифада) ▶

Ташаббус



ИККИ МАҲАЛЛА ҲАМКОРЛИГИ НАТИЖАСИДА ОДАМЛАР ИШЛИ БЎЛДИ

Хабарингиз бор, жорий йилдан маҳалла-ларда ҳоким ёрдамчилари иш бошлади. Аҳолига манзилли кўмак бериш, тадбиркорликка жалб қилиш орқали камбағалликни қисқартиришга қаратилган, мутлақо янги бу тизим қисқа вақт ичида ўзини оқлай олди. Ушбу тизимга кўра, аҳолини молиявий қўллаб-қувватлаш бевосита маҳалла даражасига туширилди. Иш бошлаган илк кунлариданоқ ҳоким ёрдамчилари намунавий сўровнома асосида хатлов ўтказишди, хонадонлар тоифаларга ажратилиб, амалий ишлар бошлаб юборилди.

(Давоми 2-саҳифада) ▶

Тадбиркорлик

ҚАЛОВИНИ ТОПСАНГ...

Оққўрғон туманидаги Собир Раҳимов номли маҳаллада яшовчи Баҳоуддин Машрабов ўтган йили фарзандларининг бассейнига тажриба сифатида "Африка лаққаси" балиқ чавоқларини ташлаб, гўёки етти хазинанинг бирини топиб олди. Шу кичкинагина бассейнда кўпайган балиқлардан ҳам оиласи, ҳам кўни-кўшнилари баҳраманд бўлишди.



Маҳалладаги ҳоким ёрдамчиси Шавкат Мирзақаримов ишни кенгайтиришни тақлиф қилди. Баҳоуддинга банкдан кредит олишга кўмаклашди. 6 сотихли ҳовлининг бурчагида 21 квадрат метрда сунъий ҳовулар ташкил этилиб, 3 минг дона балиқ чавоқлари парварилди. Маҳаллада эса оилавий тадбиркорлар сони биттага кўпайди.

Тадбиркорнинг айтишича, 6 ойда ўртача вазни 2 кгдан бўлганда ҳам 6 тонна балиқ етилади. Харажатлардан ташқари, 60 млн. сўм соф фойда бор. Мўҳими, балиқнинг харидори кўп. Келгусида тадбиркор йил давомида бозорга балиқ етказиб беришни режа қилган. Бу даромад ҳам 4 ҳисса кўпайди, дегани.

Муносабат

Нурунийларимиз, ота-оналаримиз қўлларини дуога очганларида, Яратгандан аввало, "Илоҳим, тинчлик-хотиржамлигимизга кўз тегмасин", дея ният қиладилар. Дарҳақиқат, инсон учун тинчлик ва саломатликдан, оилавий хотиржамликдан улуғроқ неъмат йўқ. Бу олий неъматни нафақат оила, балки Ватан миқёсида асрай билиш эса умумхалқ иши. Юрт тинчлиги – биринчидан шу халқнинг бирлигида, яқдиллигида, оғизбирчилигида ўз ифодасини топади.

ҚАЛБИДА ДЕНГИЗИ БОР ХАЛҚ

Доно халқимиз "Бир кун жанжал бўлган уйдан қирқ кун барака кетади", деган нақлни бежиз айтмаган. Қорақалпоғистон Республикасида бўлган кўнгилсизликлар етти ухлаб тушимизга ҳам кирмаган эди.

Мен яқин ўтмишда Тошкент вилоятининг Бўка ва Паркент туманларида бўлиб ўтган тўс-тўполон, қонли воқеаларнинг гувоҳи бўлган инсон сифатида айтманки, бу ўринда оддий, ҳалол, заҳматқаш қорақалпоқ халқининг айби йўқ.

Популистик ширларни ниқоб қилиб олган ифвогарлар айрим фуқароларнинг онгини заҳарлаган ва ишончига раҳна солган. Албатта, улар ҳеч қачон қора ниётларига эриша олмайдди. Чунки қорақалпоқ халқининг бирдан бир орзуси тинчлик, нияти эркин, фаровон ҳаёт кечирish. Ҳалол, пок ниятли, элу юрт бахтини ўз шахсий манфаатларидан устун қўймайдиган Қорақалпоғистоннинг ҳар бир фуқароси бугун муҳтарам Президентимиз Шавкат Мирзиёевнинг шу халқ истиқболини кўзлаб олиб бораётган оқил сиёсатидан, чексиз ғамхўрлигидан ниҳоятда мамнун. Биргина Мўйноқ

ва Бўзатов туманларида яратилган шарт-шароит, имкониятлар туйғайли оддий халқнинг қанчалар яйраб-яшаб, шодликларга тўлиб турганини нафақат халқимиз, бутун дунё кузатиб турибди, ҳатто юксак минбарларда эътироф этмоқда.

(Давоми 2-саҳифада) ▶

Ҳамкорлик

ИСТИҚБОЛЛИ ЛОЙИҲАЛАР МУҲОКАМА ҚИЛИНДИ

Инвестициялар ва ташқи савдо вазирлиги ҳамда Тошкент вилояти ҳокимлиги билан ҳамкорликда Юқори Чирчиқ туманидаги Astrum IT академиясида Кореянинг 114 та йирик компаниялари вакиллари ҳамда 200 дан ортиқ тадбиркорлари иштирокида мулоқот бўлди.



Ўзбекистон ва Корея бизнес форуми доирасида ташкил этилган мазкур учрашувда "Нурафшон бизнес-сити"да амалга оширилаётган ишлар, "Ангрен" эркин иқтисодий зонаси фао-

лияти, ҳудудларда бизнес учун берилган имкониятлар, инвесторларга яратилган шароитлар ҳақида маълумот берилди. Мулоқот давомида туризм, таълим, қурилиш ва бунёд-



корлик йўналишларида ҳамкорликни йўлга қўйиш юзасидан келишувларга эришилди ҳамда меморандум имзоланди.

Форум доирасидаги музока-

раларда Тошкент вилояти ҳокимининг биринчи уринбосари Музаффар Файзиев иштирок этди.

Тошкент вилояти ҳокимлиги Ахборот хизмати

Юқори Чирчиқ туманидаги "Чирчиқ" ва "Иттифок" маҳалла фуқаролар йиғинларига бириктирилган ҳоким ёрдамчилари ҳамкорликдаги фаолиятлари билан яхши натижаларга эришишмоқда. Бир-бирига кўшни бу икки маҳалла туман марказида жойлашган бўлиб, аҳоли асосан хизмат кўрсатиш соҳасида банд.

фок" маҳалласидаги бўш турган бинони ижарага олди. Бунда ҳоким ёрдамчиси Музаффар Бобоев кўмаклашди. Мана, 3 ойдирки тикувчилик цехи ишлаб турибди. 2 киши иш билан таъминланди, яна 3 нафар аёл касаначилик асосида ишлапти. Айтиш мумкин, бир лойиҳа ҳаракатидами: икки маҳаллада

биркорларга биланларини ўргатади. "Иттифок" маҳалласи худудидан оқиб ўтадиган Қорасувда бадиқчиликни ривожлантириш орқали янги иш ўринлари очиб, хоҳловчиларни ўқитишни йўлга қўймоқчи экан.

биркорлик қилиш истаги бор, лекин молиявий кўмакка муҳтож, хунари бору ишини йўлга қўя олмаётган фуқароларни аниқлади. Уларнинг муаммолари босқичма-босқич ҳал этилмоқда.

"Аёллар дафтари"да турувчи Мастура Тўпаева 2 та печь ва миксер ускунасини харид қилиб, маҳалладаги икки қизни ёнига олди. Эндиликда улар пиширган қандолат маҳсулотлари Юқори Чирчиқ ва Паркент туманлари дўконларига пешма-пеш етказиб берилмоқда

ИККИ МАҲАЛЛА ҲАМКОРЛИГИ НАТИЖАСИДА ОДАМЛАР ИШЛИ БЎЛДИ



– Бир ташаббусимиз хусусида гапирмоқчиман, – дейди "Чирчиқ" маҳалласи ҳоким ёрдамчиси Азиз Бўтаев. – Маҳалламиздаги тикувчи аёлга тикув машинаси ва дазвол сотиб олиш учун кредит ажратдик. Лекин жой муаммо эди. Шунда "Итти-

кооперация асосида бадиқчиликни ривожлантирмоқчимиз. Азиз аканинг айтишича, тадбиркор Искандар Сейилбеков жой сўраб мурожаат қилган. Искандар ака уйдаги 17 та ҳовузда африка лаққа балигини парвариш қилади. 9 йиллик фаолияти давомида республикамизнинг турли худудларидан келган тад-

маҳалласи ҳоким ёрдамчиси Музаффар Бобоев. – Биз ҳам тадбиркорликни бошламоқчи бўлганларга доимий даромадга эга бўлишлари учун кредит бериб, бандлигини таъминламоқдамиз. Одамлар ҳам миннатдор. Музаффар Бобоев ҳам маҳалласини хонадонбай ўргатиши натижасида ишсиз, тад-

200 дона бедана олиб, уйда парваришлай бошлади. Ҳар 40 кунда 250-300 донасини гўшга топширяпти. Орада тухумини сотади. Жўжа очариш учун эса ўз қўли билан инкубатор ускунасини ясади. Даромади ҳам ҳаракатига яраша бўлмоқда. Абдурашидга оила аъзолари ёрдам қилишмоқда.

Бу рўйхатни яна давом эттириш мумкин. Мухими, ўз хусусий тадбиркорлиги ва доимий даромади бор одамлар ҳаётдан мамнун. Аслида ҳоким ёрдамчиларининг вазифаси ҳам шу.

Нозима АРСЛОНОВА
Аброр ЭСОНОВ
олган суратлар

(Давоми. Бошланиш 1-саҳифада)

Ўзбекистон ва Қорақалпоғистон халқ шоири Ибройим Юсупов, икки халқнинг ардоқли ёзувчиси Тўлепберган Қайибергановнинг Ойбек, Абдулла Қаҳҳор, Ғафур Ғуллом, Эркин Воҳидов, Абдулла Орипов билан дил-дилдан яқинлиги ўзаро меҳрли боғловчи тилло кўприк бўлган.

Айтаверсак, бундай хайрли ишларимизни, ифтихоримизга беэҳтибор бўлган самимий, беғараз, беминнат анжуманларимизнинг чек-чегараси йўқ. Шундай экан, ўзбек ва қорақалпоқ халқи ўртасига девор солмоқчи бўлганлар, қилдан қийиқ қидириб, бир замин болаларини бир-бирига қарши гижгиллаётган хоинлар, беймонлар, эзгуликни, тараққиётимизни кўролмаётган ҳасадгўйлар чучварани хом санабди.

ҚАЛБИДА ДЕНГИЗИ БОР ХАЛҚ

Мухтарам Президентимиз Шавкат Мирзиёев Ёшлар куни байрами муносабати билан сўзлаган нутқида: "Мен ўзимни нафақат ўзбек, қорақалпоқ халқининг ҳам фарзанди деб биламан", дея тил учиди айтгани йўқ. Юртнинг раҳбари ҳар икки гапининг бирида қорақалпоқларни алқаб турганида, қардошларимиз ҳам мардга мардлигини ифода этиси тайин.

Ният пок, мақсад улғу, ишонч мустаҳкам бўлган жойда эзгулик ҳамиша ғалаба қилган. Қорақалпоғистонда ҳам қисқа кунларда шундай бўлғуси. Мақсади тубан бўлганлар тубан кетгуси. Камтарин ва заҳматқаш қорақалпоқ халқи эса Янги Ўзбекистоннинг ажралмас қисми бўлиб, порлоқ истиқбол сари шахдам одимлайверади. Қорақалпоғистонда Орол қуриётган бўлиши мумкин. Аммо қорақалпоқ халқининг қалб денгизи, меҳру муҳаббат денгизи, қадр қиммат денгизи тўлиб оқаяпти. Буюк Амударёга ҳамоҳанг оқаяпти. Иншааллоҳ, абадул-абад оқусидир!

Маҳмуд ТОИР,
Ўзбекистон халқ шоири

Вилоят бўйлаб

ЯНГИЙЎЛ туманида оилавий ажримлар, аёллар ўртасида жиноятчиликнинг олдини олиш мақсадида 64 та маҳалла хотин-қизлар фаоллари, тумандаги барча мактаблар директорларининг маънавий-маърифий ишлар бўйича ўринбосарлари иштирокида тренинг ўтказилди. Унда ажрим кўрсаткичлари ошган маҳалла фаолларига аниқ вазифалар белгилаб берилди.

ЎРТА ЧИРЧИҚ тумани ҳокими бошчилигида ўтказилган йиғилишда бугунги кунда мамлакатимизда аёлларга яратилаётган шарт-шароитлар, гендер тенглиги масалалари, шунингдек, маҳаллаларда амалга оширилаётган кенг қамровли ислотлар борасида суҳбатлашилди. Йиғилишда 57 та маҳалланинг хотин-қизлар фаолларига планшет топширилди.

БЎСТОНЛИҚ тумани ҳокими Ж. Аҳмедов бошчилигидаги ишчи гуруҳ туман марказий деҳқон бозорида бўлиб, озиқ-овқат ва қишлоқ хўжалиги маҳсулотлари нархининг барқарорлигини таъминлаш мақсадида ташкил қилинган арзонлаштирилган савдо ярмаркаси фаолиятини кўздан кечиришди. Шунингдек, нарх-навонинг асосис тарзда ошиб кетишига йўл қўймайлик юзасидан савдо нуқталари эгалари билан суҳбатлашилди.

ОЧИЛ ДАСТУРХОН

ёки ҳақиқатга айланган эртак

Корхона ўз фаолиятини 2011 йилда кўк нўхат, жўжори, помидор ва бодринг консервасидан бошлаган. Аста-секин турли салатлар, икра ва миллий таомлар қўшилиб, маҳсулотлар тури 30 тага етди. "Йил бренди – 2012" номига эга бўлишининг ўзиёқ корхона маҳсулотларининг сифати даражасини аниқлатади.

– Пишиқчилик мавсумида ишимиз кўпаяди, – дейди корхона

сулотларимиз қаторига қўшиш ниятида миз. Мева ва сабзавотларнинг маълум қисми 51 гектарли еригимизда етиштирилади. Аммо, бу кам. Шу сабабли, вилоятимиздаги фермер

сақлаш учун 100 тонналик музхона ишлаб турибди. У ерда яқинда музлатилган малиналарни кўрдик. Айтишларича, малинадан мураббони қишда тайёрлашар экан. Ҳозирги пишиқчилик мавсумида иш кўп бўлгани учун ош, ҳалим, тушонка ва турли мураббололар қишда қаддоқлар экан.

Бололигимизда "Очил дастурхон" эртагини ўқганимиз. Унда эртак қаҳрамони "очил дастурхон" деса, дастурхон очилиб, турли ноз-неъматларга тўлиб кетарди. Бугунги кунда Зангиотадаги каби "очил дастурхон"ларни тўлдирадиган корхоналар эртакларни ҳақиқатга айлантирмоқда.

Нозима РАСУЛОВА
Тошкент ҳақиқати/
Аброр ЭСОНОВ
олган суратлар



на раҳбари Музаффар Тоиров. – Жўжоридан сўнг помидор, бодринг ва икраларга ўтаимиз. Яқинда технологимиз "Тарават" деб номланган туркча бақлажонли салатни ўрганиб келди. Шунинг ма-

ва деҳқонлардан шартнома асосида маҳсулотлар сотиб оламиз. Корхонада жўжорининг истеъмолга тайёр вакуумланган турини ишлаб чиқариш ҳам йўлга қўйилган бўлиб, 2 йилдан бери Корея ва Россия давлатига экспорт қилинмоқда. Маҳсулотларни

(Давоми. Бошланиш 1-саҳифада)

ОКМК: МАҲСУЛОТЛАР ЭКСПОРТ ҲАЖМИ ВА ЖУГРОФИЯСИ КЕНГАЙМОҚДА



Олмалиқ кон-металлургия комбинатида биринчи ярим йилликда белги-ланган экспорт кўрсаткичлари ортиги билан бажарилди.

Жумладан, 2022 йил январь-июнь ҳолатига 543 миллион 888 минг долларлик маҳсулот экспорт қилиниб, белгиланган режа 138,2 фоизга бажарилди. Маҳсулотлар кесимида олиб қарайдиган бўлса 39 минг 459 тонна мис маҳсулотлари экспорт қилинган. 36 минг 907 тонна мис катоди импортёрларга юборилган.

Мис қурувлари экспортда режа 102,1 фоизга бажарилиб, 2 минг 552 тонна маҳсулот харидорларга етказил-

ган. Рух металл экспортида 30 минг 147 тонналик натижа қайд этилган. Режа эса 131,1 фоизга бажарилган. Қадмий металл экспортида ҳам юқори рақамлар кузати-ган. Ушбу металл экспорти режаси 188 фоизга бажарилиб, 188 тонна маҳсулот импортёрларга жўнатилган. Молибден маҳсулотлари экспортида ҳам юқори натижалар қайд этил-ган. Хусусан, режа 160,9 фоизга бажарилган ҳолда, 418 тонна маҳсулот харидорларга сотилган.

Утган биринчи ярим йилликда 13 минг 962 тонна кўрғошин концентрати экспорти амалга оширилганини алоҳида таъкидлаш жоиз. Бундан ташқари, 4 минг 398 тонна мис купороси экспорт қилиниб, режа 106,5 фоизга адо этилган. Маълумот ўрнида шунини айтиш мумкинки ОКМК маҳсулотлари асосан Туркия, Россия Федерацияси, Беларусь, Қозғоғистон, Болгария, Озарбайжон, Қирғизистон, Украина, Польша, Тожикистон, Индонезия, Нидерландия, Хитой, Туркменистон, Афғонистон каби давлатларга экспорт қилинмоқда.

ОКМК Аҳборот
хизмати

(Давоми. Бошланиш 1-саҳифада)

РАИС НОМИГА МУНОСИБ БЎЛСИН!

лимни талаб этади, – дейди вилоят Маҳалла ва нуронийларни қўллаб-қувватлаш бошқармаси бошлиғи Бахтиёр Беғматов. – Йиғин раисларининг билим ва малакасини оширишда эса қисқа муддатли ўқув курслари қўл келади. Ўқув жараёнида раислар раҳбарлик маҳорати, муомала маданияти, аҳолининг эҳтиёжманд қатлами ва кекса авлод вакиллари ижтимоий қўллаб-қувватлашда маҳалланинг ваколатлари, шунингдек, оилаларни мустаҳкамлаш, ёшлар тарбиясида самарадорликка эришиш, маҳаллаларда маънавий муҳит барқарорлигини таъминлаш, жиноятчиликнинг олдини олиш бўйича билим ва савиясини оширишади.

Ҳафталик сабоқларнинг илк кунинда анжуман ташкил этилди. Чирчиқ давлат педагогика университетида ўтказилган мазкур анжуманда маҳалла тизимининг ташкилий-ҳуқуқий асослари, раисларнинг асосий вазифалари, ҳуқуқ ва мажбуриятлари, маҳалладаги бешлик (раис, ҳоким ёрдамчиси, ёшлар етакчиси, хотин-қизлар фаоли, профилактика инспекторининг ўзаро ақдидликда иш юритишининг ташкилий ва амалий жиҳатларига эътибор қаратилди.

Семинарда Тошкент вилояти ҳокими вазифасини бажарувчи Зойир Мирзаев иштирок этиб, янги сайланган маҳалла раисларининг фаолиятига доир қўллаб-таъминлаш жиҳатларини баён этди.

Ўқув-семинар жараёни давом этмоқда.

Ўз мухбиримиз

Кулайлик ОЛМАЛИҚДАН ПИСКЕНТГА ҚИЙНАЛМАЙ БОРАСИЗ

Олмалиқ шаҳри ва Пискент туманини туташтирувчи йўл қатнов қисмининг таъмирталаб ҳолатга келганлиги юзасидан аҳоли томонидан қўллаб-қувватлар бўлган эди. Яқинда йўл ҳаракати хавфсизлигини таъминлаш мақсадида мазкур йўлда таъмирлаш ишлари олиб борилди.



(Давоми. Бошланиш 1-саҳифада)

Ёшларга оид давлат сиёсати - амалда

Орзуим дунё саҳналарида куйлаш

Яқинда Президентимизнинг "Ёшлар куни муносабати билан юртимизнинг фаол ва ташаббускор ёш авлод вакиллари билан бир гуруҳини мукофотлаш тўғрисида"ги Фармони эълон қилинди. Улар қаторида вилоятимиз вакиласи Зухра Турсунбоева ҳам "Келажак бунёдкори" медаллари билан тақдирлангани қувонарли.



Зухра Бўстонлик туманидаги 17-Болалар мусиқа ва санъат мактабида академик хонандлик бўйича ўқитувчи бўлиб ишлаш билан бирга Ўзбекистон давлат консерваториясида опера йўналишида тахсил олади.

нинг Республика босқичида опера йўналишида қатнашиб, фахрли 1-ўринни эгаллади. — Ота-онам санъатга бўлган меҳрлари сабабли эгизганим — Фотима иккимизни Ҳазратқалъа шаҳридаги мусиқа мактабига беришган, — дейди Зухра. — Етти ёшимдан опера куйлашни бошлаганман. Санъаткор ҳеч қачон мукофот ортидан қувмаслиги кераклигини устозларимиз уқтириб

келишади. Аммо, кетма-кет мукофот билан тақдирланганимда жуда хаяжонландим. Ютуқларимда устозим, Ўзбекистон халқ артисти, профессор Исмоил Жалиловнинг ҳиссалари катта. Келгусида ҳам яшари ария ва романсларни нафақат мамлакатимиз, балки дунё саҳналарида куйлаб, томошбинлар кўнгиллидан жой олишни орзу қиламан.

туаридан 30 га яқин турли миллатларнинг ариялари ва 20 га яқин романслар жой олган. У Анна Нетребко, Белла Руденко, Диана Дамрау каби операчиларнинг ижодини севиб тинглайди ва улардан ўрнади. Эндигина 22 ёшни қаршилаган Зухра келажакда бундан катта ютуқларга эришишига ишонамиз.

Нигора ҲАҚИҚАТ
Тошкент ҳақиқати

СПОРТ ЯНГИЛИКЛАРИ

Омадли турнир

Пойтахтимиздаги "Юнусобод" спорт мажмуасида кикбоксинг бўйича "Uzbekistan Open 2" халқаро турнири бўлиб ўтди.

Мусобақанинг сўнгги кунда профессионал спортчилар ўртаси ўтказилган 4 та жангнинг учтасида ўзбекистонлик кикбоксчилар ғалаба қозонишди. Марказий жангда ҳамюртимиз Муродбек Азимов хорватиялик жаҳон чемпиони Иван Бертичга қарши рингга кўтарилди. Уч раунд тўлиқ давом этган мurosасиз жангда Азимов номдор рақибини 2:1 ҳисобида мағлубиятга учратиб, махсус камар ва 1000 евро мукофот пулини

қўлга киритди.

Оғир вазн тоифасида ҳамюртимиз Хусанжон Баратов туркиялик Меҳмет Узерни сўнгги раундда техник нокаутга учратди.

Яна бир вақилимиз Темурубек Холматов мисрлик Абдуллох Мандодан устун келди. Қўл жанги бўйича жаҳон чемпиони Гулжаҳон Норматова эса профессионал кикбоксдаги дебют жангида украиналик тажрибали спортчи Мария Белкинага имкониятни бой берди.

Рақиблар маълум

Жорий йилнинг 9-18 август кунлари Туркиянинг Конья шаҳрида ўтаётган V Ислам бирдамлиги ўйинларининг жамоавий спорт турларига қўрға ташлаш маросими бўлиб ўтди.

Унга кўра, жамоаларимиз ўз рақибларини билиб олишди.

Эътиборлиси, дастлаб фақатгина гандбол ва баскетбол 3x3 бўйича аёллар жамоаларимиз ушбу турнирда иштирок этишлари эълон қилинган эди. Кейинчалик волейбол бўйича Ўзбекистон аёллар жамоасига ҳам Ислам бирдамлиги

ўйинларида қатнашиш учун таклиф келди. Қўрғага кўра, жамоаларимиз гуруҳ босқичида куйидаги рақибларга қарши баҳс олиб боришади:

Гандбол. "А" гуруҳи: Сенегал, Бангладеш, Туркия, Ўзбекистон.

Волейбол. "А" гуруҳи: Ўзбекистон, Индонезия, Туркия, Эрон.

Етти боксчимиз финалда

Қозғистоннинг Нур-Султон шаҳрида бокс бўйича халқаро "Елорда кубоги" мусобақасининг ярим финал баҳслари якунига етди.

Эрақлар ўртасидаги баҳсларда Асилбек Жалилов Ҳиндистон, Саиджамшид Жафаров ва Лазизбек Муллажон Қозғистон вакиллари мағлубиятга учратиб, финалга йўл олишди.

Афсуски, Шаҳзод Музаффаров, Адхамжон Муҳидинов, Дилшод Абдумуродов, Мужибилло Турсунов ва Жаҳонгир Зокиров ярим финалда имкониятни

бой бериб, бронза медал билан қийнатилди.

Қизлар ўртасидаги беллашувларда эса Сабина Бобоқулова, Ниғина Уктамова ва Ситора Турдибекова ярим финалда ғалабага эришди. Бир кун аввал Феруза Қазақова ҳам финал йўлланмасини қўлга киритганди.

Сухробжон САДИРОВ
Тошкент ҳақиқати/тайёрлади

"Ҳақиқат" чойхонаси



Ҳар балолар бўладурган бу тармоқдур, бу тармоқ, Ҳар балони биладурган бу тармоқдур, бу тармоқ.

Кўрсатай деб ўзни селфи қилгани-қилган башар: Минг куйларга соладурган, бу тармоқдур, бу тармоқ.

Бу ҳаётда икки сўзни боғлай олмасларни ҳам, Аҳли дониш қиладурган бу тармоқдур, бу тармоқ.

Бир ўзига тўққиз-ўнта аккаунтларни очиб, Тролларга тўладурган бу тармоқдур, бу тармоқ.

Таниган-билмаган ҳам масофадан туврөлиб, Бир-бирини юладурган бу тармоқдур, бу тармоқ.

Дивандан кет узолмай, қаҳвани хўриллатиб, Ватан учун ўладурган бу тармоқдур, бу тармоқ.

Нораво суратин ташлаб, қанча зоти олийни, Аёғидин чаладурган бу тармоқдур, бу тармоқ.

Бир кириб кетса, чиқолмай Оллоёр тўрға тўшиб, Гоҳи диққат, қуладурган бу тармоқдур, бу тармоқ...

ХУЖАНДИЙ

Ўйлаб топилмаган ҳикоялар

Биз ажойиб ёзувчи дўстимиз Тўлқин Эшбек билан тўқсонинчи йиллар бошида "Ўзбекистон матбуоти" журналида бир мудат бирага меҳнат қилганмиз. Бош муҳарриримиз Зияд Есенбаев ёш бўлганимиз учун мен ва Тўлқинни "уғилларим" дерди. Тўлқинни олдинроқ ишга олингани, ёши кичкина бўлса ҳам ҳушомадни яхши эплагани учун ўзига яқин олар, кўпинча калтак меннинг бошимда синарди. Агар Тўлқин бу ерда ишламаганида, мен ҳам бир кун нам қолмаган бўлардим.

Тахририятдаги "кадрлар кўним-сизлиги"нинг сири нимадалигини тезда билиб олдм. Ҳар бир ишхонада, айбни тўнкаш, бошлиқ ўзида йиғилиб қолган салбий ҳиссиётлар, яъни захрини сочиб олиши учун, албатта, бирор киши ёки лавозим бўлади. Темирийўлчиларда асосий айб стрелкачиларга тўнкалади. Бунақаларни русчасига "кзёл отпушение" (яъни "емаган сомсага пул тўловчи") дейилади.

Японларда бунинг бошқача усули бўлиб, ходимларнинг ўз раҳбаридан йиғилган норозиликларини бўша-тиб олишлари учун, бир хонага ўша раҳбарнинг ўзига ўхшаган макетини кўйиб қўйишаркан. Норози ходим ўша хонага кириб олиб, уйинчоқ раҳбарини хоҳлаганча уриб-сўкиб чиқиб кетаркан.

Бизнинг ишхонада бундай "яшинқайтарғич" аввало масъул орқасини силаб: "Бу ишни ўзингиз мендан кўра яхши уйдalayсиз", деб мактаб кўяди. Мен эса ҳеч қандай муносабат билдирмай, "Тўрт оёқли отам қоқилади, беайб парвардигор", — дейишдан нарига ўтмайман. Матндаги хатоларни ҳам ўзи тузатиб, қимир этмай ишлайди.

Тўлқин мажлислардаям Зияд аканинг "унг қул вазири" сифатида ўнг тарафда ўтирар, масъул котиб — "чап қул вазир", охирида котиба иккимиз юзма-юз. Тўлқин гапни доим: "Бизнинг ўта ҳурматли бош муҳарри-

ман!" — Урнимдан туриб, "унг қул ва-

зир"га қарайман. — Масалан, Тўлқин бугун ишга роппа-роса ўн минут кеч келди. Кечаям беш минут кечиккан эди. Калтакни етим ёйди, дегандай яна мен айбдор!

Тўлқин сапчиб ўрнимдан туради. — Ўта ҳурматли Зияд ака! Бу қип-қизил бўхтон. Мен атиги саккиз дақиқа кеч қолдим, бунинг ўз сабаби бор! — Кеча ярим соат олдин ишдан кетиб қолган, — дейман яна бўш келмай.

— Ҳурматли бош муҳаррир, — дейди Тўлқин. — Сиз бу одамни ишга олиб келганимизда журналистикада ўқимаган экан, деб айтганингизда беқорга қулоқ солмабман. Қип-қизил илон экан бу!

— Сиз эса дипломи бўлсангизам, журналистикани "ж" ҳарфини билмайсиз! Ўзганларингиз бир тийин! — Мени ушланглар! Бўлмаса бу сурбетни бир нарса қилиб қўйишим мумкин!

— Ҳеч ким сизни ушламан, деб ўлаётгани йўқ. Мана шу клей билан башарангизга қўйиб юборишим учун

Оллоёр БЕҒАЛИЕВ, Ёзувчилар уюшмаси аъзоси

Тошкент Фотосуратлар уйда ташкил этилган Ижодий фотостудия мактаби 9 нафар битирувчиларининг 31-ҳисоб кўрғазмаси очилди.

"ШАФАҚ ЖОЗИБАСИ"

Унда битирувчиларнинг концептуал ва бадиий портрет, ландшафт, натюрморт, репортаж фотографияси каби жанрлардаги фотосуратлари ўрин олган бўлиб, уларда маданий ҳаётимиз, турмуш

тарзимиз, табиат манзаралари, тарихий ёдгорликлар муҳрланган. Жумладан, светлана Поварованинг (8-синф ўқувчиси) "Чотқол", "Польшадаги Хоббит", Мария Фадеичеванинг Красногорскнинг баҳорги далалари", "Шафақ жозибаси. Чиноркент", "Шафаққа йўл олдим", шунингдек, голланд мактаби услубида суратга олинган "Чиноркент" каби фотосуратларида Тошкент вилоятининг бетакор табиат манзаралари акс этган.

Кўрғазманинг очилишида қатнашган турли касб эгалари, оммавий ахборот воситалари вакиллари учун давра суҳбати ўтказилди.

Ҳасан АБДУНАЗАРОВ



Кўрғазма



Мана гап

БЕБОШ "ЎҒИЛЛАР"

ташлаганча гапиравергани учун бошқаларга энгилик туғиларди. Тўлқин афтини бужмайтириб, турли қилиқлар қилиб ўтирар, бошлиқ буни кўрмасди.



— Зияд ака, умумий гаплардан қочилса, аниқ айбдорлар айтилса, — дедим мен. — Ишга кеч қилиш ҳақида гапириб, менга қараясиз! Ишга бир соат-ярим соат олдин келиб олам, ишдан ҳам шунақа кеч кетаман. Бу гапларингизни менга сираям алоқаси йўқ.



TOSHKENT HAQIQATI TASHKENTSKAYA PRAVDA



"Toshkent haqiqati" va "Tashkentkaya pravda" gazetalarini tahrir hay'ati:

- Muassis: **TOSHKENT VILOYATI HOKIMLIGI**
- Zoyir MIRZAYEV (tahrir hay'ati raisi)
- Ummat MIRZAQULOV
- Hotamjon SAYDAHMEDOV
- G'afurjon MUHAMMEDOV
- Mahmud TOIR
- Uskenboy ATEMOV
- Salom SAMADOV
- Abdulla XURSANOV
- Mahmudjon BOLTABOYEV
- Ra'no TURDIBOYEVA
- Sergey MUTIN
- Zarifa ERALIYEVA
- Azamat KAMOLOV

Bosh muharrir: **G'ayrat SHERALIYEV**

Qabulxona: (71) 233-64-95

Bosh muharrir o'rinbosari: (71) 233-70-10

Mas'ul kotib: (71) 233-90-82

Bo'lim muharrirlari: (71) 233-38-23, (71) 233-48-08

E'l-onlar va hisob-kitob bo'limi: (71) 233-54-10

e-mail: toshkenthqiqati@umail.uz

Navbatchi muharrir: **Kumush EGAMBERDIYEVA**

Mas'ul kotib: **Alloma AZIZOVA**

Navbatchi: **Javlon HALILOV**

Bosishga topshirish vaqti - 21.00.

Bosishga topshirildi - 19.10

Nashr ko'rsatkichi - 205.

Buyurtma G-735.

3 824 nusxada chop etildi.

Hajmi - 2 taboq. Ofset usulida bosildi. Qog'oz bichimi A-2.

Bahosi kelishilgan narxda.

Toshkent viloyati Axborot va ommaviy kommunikatsiyalar boshqarmasida

2011-yil 12-yanvarda

03-001 raqami bilan ro'yxatga olingan.

Manzilimiz: 111500, Nurafshon shahri, Toshkent yo'li ko'chasi, 90.

Toshkent shahridagi ofsimiz: 100000,

Matbuotchilar ko'chasi, 32.

ISSN 2010-9318.

Gazeta «Toshkent haqiqati» tahririyati kompyuter markazida terildi va Tohir Mahmudxo'jayev tomonidan sahifalandi.

Haftaning chorshanba va shanba kunlari chiqadi.

«SHARQ» nashriyot-matbaa aksiyadorlik kompaniyasi bosmaxonasida bosildi. Korxonaning manzili: Toshkent shahri, Buyuk Turon ko'chasi, 41-uy.